

皇清經解續編卷五百五十八

南菁書院

詩經異文釋十四

嘉興李富孫薌沚著

倉兄填兮釋文云兄本亦作況攷文古本同

召旻職兄斯引下職兄竝作況案

毛傳云兄滋

一作茲

也正義云況訓賜也賜人之物則益滋多

故況爲滋也則正義本作況毛傳訓滋卽讀爲況矣常棣傳

況茲也說文茲艸木多益也管子大匡召忽語管仲曰雖得

天下吾不生也吾不生也兄與我齊國之政也漢樊毅華獄

廟碑君善必書兄乃盛德白虎通云兄況也

廣雅

兄況于父

今江南北猶呼兄爲況是兄與況同戴氏曰填如小宛哀我

填寡之填字亦作疹韓詩云疹苦也

旗旐有翩釋文作偏云本亦作翩周語下補音引同案易翩翩

不富釋文云古文作偏偏論語偏其反而晉劉喬傳作翩字  
竝通

具禍以燼釋文作蓋云本亦作燼攷文古本作蓋案釋詁曰蓋  
進也釋文蓋本又作燼同說文云夷火餘也

段氏本作火之餘木也徐

鉉曰今俗別作燼非是則夷爲本字蓋借字錢氏曰唐道因  
法師碑有具禍以蓋語攷說文無燼火餘之燼當作夷方言  
蓋餘也自關而西秦晉之間炊薪不盡曰蓋則蓋夷本一字  
馬融長笛賦蓋滯抗絕李善注蓋與燼同蓋唐初諸儒傳授  
之本如此釋文雖云或作燼然夷已从火不應更著火旁疑  
流俗所加故陸氏不從之也

國步斯頻說文目部引作斯頻云恨張目也案毛傳云頻急也

箋云猶比也莊子天運曰西施病心而瞶其里瞶與顰同心恨顰蹙也說文云顰水厓人所賓附顰蹙

段氏本改作顰戚

不前而

止毛鄭之訓卽附近義从省作頻頻蹙字與瞶亦通段氏曰毛鄭所訓頻字絕非段借此作瞶者蓋三家詩又案通俗文蹙額曰瞶瞶者顰之段借

靡所止疑詩攷引詩說齊詩作止疑案毛傳云疑定也正義疑音疑疑者安靜之義故爲定也釋文疑音魚陟反鄉飲酒禮賓西階上疑立注云疑讀爲仡然從於趙盾之仡疑正立自定之貌公會大夫禮注亦云疑正立也則疑本有讀魚乙反韻會凝或作疑定也說文凝是俗冰字

秉心無競五經文字韻補引作無儵

抑無競維人韻補亦作儵云今作競

案釋言

曰競彊也說文云倮彊也音義同

至今爲梗後漢段熲傳至今爲鯁注引詩文云鯁與梗同病也  
案毛傳梗訓病說文云鯁魚骨也廣韻云刺在喉漢賈山傳  
祝鯁在後是鯁亦爲人之所病與梗同音義通

逢天憚怒釋文云憚本亦作亶同左傳疏引爾雅樊光注作亶  
案周語曰亶厚也釋詁同毛傳云憚厚也正義云憚亶聲近  
義亦同西嶽華山亭碑畏天之威逢斯瘳怒卽用詩文版下  
民卒瘳釋文作憚緇衣釋文瘳本作亶古竝通王氏念孫曰  
瘳者盛也字通作憚又作憚咸威謂之憚盛故盛怒亦謂之  
憚憚與憚同

誨爾序爵誰能執執逝不以濯墨子尙賢作誨女子巖孰能執

熱鮮不用濯案箋云逝猶去也中庸注云鮮罕也

本釋  
詁文鮮字

義尤長墨子與孟子同時所引詩已互異王氏念孫曰墨子兩爾字皆作女序作予誰作孰逝作鮮以作用是墨子所見詩固有異文也

如彼遡風亦孔之優文選月賦注引作愬風唐石經初刻作愬繫傳通論優引作悉案文選西征賦注引薛綜西京賦注云愬向也愬與遡古字通七命注亦云愬與遡同釋言曰優吧也毛傳同徐鍇曰悉吧也气咽也是卽以悉爲優字

說文悉  
本惠悉

字

并云不逮釋文云并字又作迸本或作拼使也案毛傳云并使也釋詁曰拼使也

邵氏正義云  
拼或省作并

疏引并云不逮云拼并音義



同正義以毛傳爲釋詁文今不作莽字則改爾雅以從經文  
說文云𦍒使也𦍒使也莽依爾雅爲馬帚

篇韻同

此假借爲𦍒

字集韻云𦍒又披耕切與𦍒同使也

好是稼穡鄭箋但好任用居家各𦍒釋文作家穡云鄭作家下  
家穡維寶同穡本亦作𦍒尋鄭家𦍒二字本皆無禾者下稼  
穡卒痒始从禾羣經音辨引作家穡云家種也案毛傳無詁  
稼穡之文王肅申毛義稼謂耕稼穡謂收穡也說文云一曰  
稼家事也𦍒愛穡也伐檀不稼不穡漢石經穡作𦍒則或从  
省作家𦍒正義云箋不言稼當爲家則所受之本先作家字  
是孔本作稼也陳氏曰釋文言所見鄭本此章稼穡皆作家  
𦍒則元非改字鄭箋時齊魯韓詩具存彼或別有據矣臧氏

曰正義所用毛詩則鄭箋本非王肅本今反從肅說以改鄭義并易其經字不審甚矣且釋文云家王申毛音駕是肅未遂改經字殆後人又因肅義而改耳

哀恫中國釋文云恫本又作痾案集韻恫或作痾痛也音義同自獨俾臧自有肺腸淮南汜論注引作自獨卑藏釋文云肺本又作肺案箋云臧善也本釋詁文古藏字作臧故臧譌爲藏集韻云肺金藏也本作肺梁陶宏景舊館壇碑云金陵地肺

此別體字多始於六朝

古市旁弗旁通如芾亦作芾

牲牲其鹿御覽

九百六

引作碩碩案牲牲與詵詵侁侁莘莘字竝

通作碩碩當誤段氏曰五經文字云旣色巾反見詩所云詩者牲牲其鹿也玉篇旣牲旣通用蓋唐時詩有作旣旣其鹿

者

胡斯畏忌漢賈山傳引作胡此案釋詁曰斯此也書斯謀斯猷  
鰥露竝作此義同

大風有隧釋天注引作泰風潛夫論遏利隧作遂初學記一引

作泰風有遂案釋天曰西風謂之泰風鄭箋同釋文云大毛

如字鄭音泰正義引孫炎云西風成物物豐泰也古文泰作

太後或从省遂改爲大荀子

榮辱富國

注云大讀爲泰是也遂與

隧古字通

見易釋

征以中垢韓詩外傳

五

作往

一作征

以案箋云征行也往與征字

形相涉義亦不遠

反予來赫釋文云赫本亦作嚇鄭許嫁反口距人也眾經音義



九引作嚇司馬光大元集注引同文選蕪城賦注引鄭箋同  
案莊子秋水曰欲以梁國嚇我箋云女反赫我義正同廣韻  
嚇呼格切怒也赫當是正字嚇俗字

涼曰不可唐石經作諒攷文古本同案箋訓諒爲信此石經从  
鄭義段氏曰上章職涼音義云毛音良薄也鄭音亮信也下  
同是陸本皆作涼據正義是孔本上章作涼此章作諒上章  
鄭易涼爲諒而此章毛本作諒非關鄭易也唐石經蓋从孔  
本然由文義求之恐孔未得毛意武氏億曰涼彼武王韓詩  
作亮書高宗亮陰禮記作諒漢五行志作涼孟子君子不亮  
一作諒字一音而文凡三變是涼亮諒皆一字

倬彼雲漢北堂書鈔一百五十引韓詩作對彼注云宣王遭旱仰天

也董氏斯張引文選注同案小雅倬彼甫田韓詩作蒔此作對疑卽蒔字之誤

饑饉薦臻繇露郊祀引作洊臻藝文類聚百一引同案毛傳訓薦

爲重正義引釋天仍饑爲荐左僖十三年晉荐饑小爾雅荐重也易水洊至釋言注引作荐易釋文干作薦是荐正字薦通用字

蘊隆蟲蟲釋文云蘊本又作焮韓詩作鬱正義作溫字定本作蘊蟲爾雅作燭云熏也韓詩作炯音徒東反詩攷引後漢書

注同

見寶皇  
后紀注

案說文云焮鬱煙也荀子富國注云宛讀爲蘊

攷工函人注引詩宛彼北林今本作鬱莊子齊物注蘊於積反蘊焮溫鬱皆聲相近義通埤蒼云炯炯然熱貌也廣韻炯

熱氣炯炯出字林眾經音義□引韓詩傳云炯謂燒草傳火  
焰盛也集韻燼本作炯是炯與燼同陳氏曰溫字定本作蘊  
則古本經文蘊溫溫三字雜見也蟲當作燼錢氏曰蟲與同  
音不異春秋成五季同盟於蟲牢杜注陳留封邱縣北有桐  
牢是蟲桐同音之證又曰續漢郡國志封邱有桐牢亭或曰  
古蟲牢古音蟲如同故蟲牢轉爲桐牢也桂氏馥曰同蟲聲  
相近故炯或作燼

段氏曰蟲蠱蓋  
融融之段借

王氏念孫曰溫讀爲蘊蘊

積也

靡神不宗後漢順帝紀作不禰案范史所用當卽靡神不宗之  
異文今注引靡神不舉是章懷未審宗禰可通之義錢氏曰  
毛訓宗爲尊漢時三家詩必有作禰字者祭法雩宗祭水旱

也鄭讀宗爲崇是宗與崇通

后稷不克鄭箋克當作刻刻識也案正義云當謂后稷不知已故轉克爲刻刻削所以記識莊子秋水刻意尙行釋文刻作剋釋名曰克刻也刻物有定處人所刻念有常心也與鄭義正同吳志賀齊傳謹以剋心非但書紳亦卽刻字是古刻與克通用惠氏曰論語子畏於匡包咸注陽虎嘗暴於匡夫子弟子顏剋時又與虎俱行後剋爲夫子御至於匡匡人相與共識剋孔子世家古今人表作顏刻則克與刻通

耗斲下土鯀露郊祀引作耗射釋文云斲說文字林皆作鐸玉篇禾部引作耗斲又耗字云正作耗案說文云耗稻屬假爲耗乏字玉篇耗減也敗也廣韻耗俗作耗射與斲字通書籀

倫攸斃說文引作燁云敗也不偁詩箋云斃敗也義同是當  
作燁與厭斃字別惠氏曰汗簡云古文尙書斃作燁斃本訓  
獸射與斃通毛詩古文作燁鄭隨文釋之故訓爲敗段氏曰  
耗者乏無之謂故韓詩云惡也漢書訖於孝武後元之年靡  
有子遺耗矣孟康注耗音毛無有耗米在者也孟意若今言  
無有一粒存者水經注燕人謂無爲毛故有用毛爲無者又  
有用耗者後改爲耒旁罕知其本音本義矣

周餘黎民論衡藝增引作維周治期仍引作周餘案孟子引作  
周餘則此作維周當爲駁誤

先祖于摧鄭箋摧當作囋囋嗟也于嗟告困之辭案毛傳云摧  
至也本釋詁文正義云箋以先祖于至於辭不安故轉摧爲



唯摧唯聲之轉陳氏曰如箋義則經文于字當讀爲吁釋文無音反或傳寫之脫扇也

赫赫炎炎釋文云炎本或作煖攷文古本同案毛鄭訓煖爲燿燎集韻煖又音于廉切節南山憂心如煖韓詩作如炎二字通段氏曰小雅憂心如煖說文心部引當亦作炎炎者火光上也憂心如之故其字作煖雲漢如煖如焚亦如炎之誤毛傳曰煖燎之也

滌滌山川說文艸部引作蒺蒺

詩攷同

云艸旱盡也玉篇艸部引

作蒺蒺云蒺蒺旱氣也本亦作滌御覽

三十

作悠悠案毛傳

云滌滌旱氣也山無木川無水廣韻云蒺蒺木旱死也集韻

蒺或作滌許君所引當爲三家詩蒺又蒺之別禮滌亦滌之

孳乳字書多方勸于帝之迪馬融本迪作攸是皆聲之轉段氏曰疑當作蔕艸木如盪滌無有也小雅踽踽周道踽字亦

疑誤

富孫案樂記疏云詩踽踽周道字雖異與此滌同

如煖如焚後漢章帝紀今時復旱如炎如焚章懷注引韓詩作

如炎釋文云焚本又作焚藝文類聚

百一

引作炎按范史作如

炎正用韓詩較煖字義爲長說文云焚燒田也春秋桓七年焚咸邱杜注焚火田也焚後人从省作焚段氏曰韓詩作炎毛云炎燎也說文同蓋毛公亦作炎也上文赫赫炎炎本或作煖是其明證

憂心如熏釋文云熏本又作燠藝文類聚

百一

引同攷文古本宋

本作薰案廣韻燠同熏集韻云熏俗作燠非是蓋熏已从火

不應更加火旁說文薰香艸也此俗通字

黽勉畏去後漢蔡邕傳宣王遭旱密勿祇畏案密勿卽黽勉聲

之轉也

義見十月之交

胡甯癩我以早釋文云癩韓詩作疹云重也案箋云癩病也小宛哀我墳寡韓詩亦作疹癩墳聲相近惟彼訓苦此訓重爲異疑此疹是眡字釋言曰眡重也左傳憾而能眡者鮮矣杜注云憾則思慮不能自安自重與韓詩義合陳氏曰韓與箋俱通邵氏晉涵曰眡通作疹錢氏曰說文疹卽癩我以早之癩王氏引之曰疹癩聲近而義同

敬恭明神釋文作明祀

一本作明神下作明祀

云本或作明神北堂書鈔

八十引作明祀文選東京賦爰敬恭於明神李善注引毛詩

作神陸機答張士然詩江淹雜體詩注竝引作明祀案箋作

明神後漢書

章帝紀黃瓊傳

竝有敬恭明祀之文孔龢碑亦作明祀

樊毅華山亭碑白石神君碑同集韻祀或作祀與神字形相似明祀當是三家本臧氏鏞堂曰敬恭明祀承上新年方社言之明神字蓋涉箋而誤張賦易字以韻句耳

疚哉冢宰釋文云疚本或作欠

召旻維今之疚釋文字或作欠閔予小子嬖嬖在疚釋文本又

作欠

又作究案箋云疚病也說文云欠貧病也集韻疚欠通疚

爲別體字釋言曰究窮也究疚音同義亦相近

靡人不周鄭箋周當作𦔁眾經音義

八

引作𦔁云周古文𦔁同

案正義云以周救於人其字當从貝故轉爲𦔁周禮鄉師注

鄭司農云𦔁讀爲周急之周是𦔁與周通說文無𦔁字